

ՆԱԽԱԿՈՒՄՆԵՐՈՒՄԻ ՆԵՐՈՒՆԻ ՈՒՍՈՒՄՆԵՐՈՒՄԻ ՄԵԹՈԴՈԼՈԳԻԱՆ

Վ. Ն. ՂԱԶԱՐՅԱՆ

Դեռևս 20-ական թվականներին ղգալի աշխատանք կատարվեց նախա-կուլանտեսային կյուղի սոցիալ-տնտեսական տեղաշարժերը ուսումնասիրելու, կոմունիստական կուսակցության գնահատականներն ու եղբակացությունները կոնկրետ նյութով ու վիճակագրական տվյալներով մեկնարանելու ուղղու-թյամբ: Այդ պործում մասնավորապես մեծ ավանդ ներդրեցին մարքսիստ ագ-րարագիտ-տնտեսագիտները: Պայքարելով բուրժուական և մանրբուրժուական պարտիալարախոսությունների դեմ, սովետական մարքսիստ հետադոտողները ստեղծեցին մի շարք աշխատություններ և գյուղի սոցիալ-տնտեսական երե-վույթների ուսումնասիրության մարդում հաստատեցին մարքսիստական-լի-նիսյան մեթոդոլոգիան:

Այդպիսի-գյուղացիական հարցում բուրժուական և մանրբուրժուական հայացքներ էին պաշտպանում մի խումբ հին մասնագետներ, պրոֆեսորներ: Բուրժուական գաղափարախոսության կողմնակիցներից էին Լիտոշենկոն, Կոնդրատեր և ուրիշներ: Մանրբուրժուական-նեոնարոդնիկական ուղղությունը պաշտպանում էին Չայանովը, Չելինցերը, Մակարովը և այլ հեղինակներ:

Ըստ բուրժուական ուղղության կողմնակիցների (Կոնդրատե և մյուսներ) պուղատնտեսության արտադրողական ուժերի ղարգացումը կարելի էր ապա-հովել միայն խոշոր (կապիտալիստական) տնտեսությամբ, գյուղատնտեսու-թյան մեջ կապիտալիզմի ղարգացման, գյուղի շերտավորման ուժեղացման ճանապարհով: Չելինցերը (մանրբուրժուական ուղղություն), ընդհակառակը, նշում էր, թե «գյուղատնտեսության արտադրողականությունը» ղարպացնելու շահերը պահանջում են կանխել գյուղացիության շերտավորման ընթացքը: Վերջին տեսակետը բխում էր մանրգյուղացիական տնտեսության կայունու-թյան մասին «տեսությունից»: Ամփոփելով գյուղի շերտավորման հարցի մա-տին արտահայտված կարծիքները մարքսիստ տնտեսագետ Բ. Վերմենիչըը նկատել է, թե «կայուն» փոքր է պրոֆեսորների մի մասի անպայման որո-շակի շրջադարձը գյուղացիության էվոլյուցիայի մասին նարոդնիկական գա-ղափարախոսությունից բուրժուական պատկերացումներին, նրանց անցումը ռևոլյուցիոնարական բուրժուազիայի, կուլակության պաշտպանության դիրքերը (ընդհան պրոլետարիատի դասակարգային քաղաքականության): Պրոֆեսոր-ների մյուս խումբը, շարունակում է Բ. Վերմենիչը, «հիմնականում մնացել է իր նախկին, նեոնարոդնիկական դիրքերում (Չայանով և Չելինցեր), իր նախ-

¹ Տե՛ս՝ И. Верменпчев, Классовое расслоение крестьянства и классовые познания буржуазных и мелкобуржуазных теоретиков. «На аграрном фронте», 1927. № 7, стр. 37—53.

կին սկզբունքների քայքայման բոլոր նշաններով²։ Մարքսիստական-լենին-յան գաղափարախոսության ազդեցության տակ նեոնարոդնիկության բալբալումն ավելի ուժեղացավ։ Նրա կողմնակիցների մի մասն անցավ դեպի բուրժուական գաղափարախոսությունը, իսկ մյուս մասն ընդունեց մարքսիզմը³։

Ի հակադրություն բուրժուական և մանրբուրժուական ուղղությունների. մարքս-լենինյան մեթոդոլոգիայի բնորոշ կողմը գյուղացիական տնտեսության հարցերը սացիալ-տնտեսական կապակցության մեջ քննարկելն է՝ հաշվի առնելով գյուղացիական տնտեսության արտադրաձևերը, տնտեսության միևնույն ձևի սահմաններում տարբեր տնտեսական խմբերի տեղը և դերը։

Արտադրության հարցը պարզաբանելու կապակցությամբ Վ. Մարքսը նշել է, որ հետազոտության մեթոդոլոգիական ելակետը՝ «ուսումնասիրության առարկան, ամենից առաջ, նյութական արտադրությունն է։ Հասարակության մեջ արտադրող անհատները, — հետևապես անհատների հասարակայնությունը որոշ արտադրություն՝ քնականաբար՝ այս է ելակետը»⁴։

Մարքսիզմ-լենինիզմը սովորեցնում է, որ դասակարգերը մարդկանց այնպիսի խմբերն են, որոնք միմյանցից տարբերվում են հասարակական արտադրության սխտեմում իրենց գրաված տեղով, արտադրության միջոցների նկատմամբ իրենց վերաբերմունքով, աշխատանքի հասարակական կադմակերպման մեջ զբաղեցրած դերով և իրենց տրամադրության տակ գտնվող հասարակական հարստության բաժնի ստացման եղանակներով ու շահիերով։ «Դասակարգերը, — նշել է Վ. Ի. Լենինը, — մարդկանց այնպիսի խմբերն են, որոնցից մեկը կարող է յուրացնել մյուսի աշխատանքը, հասարակական տնտեսության որոշ կացութաձևի մեջ նրանց տեղի տարբերության շնորհիվ»⁵։

Սովետական գյուղի ուսումնասիրման առիթով Վ. Ի. Լենինը բացահայտեց տնտեսության այն ձևերը, որոնք պահպանվում էին սովետական երկրում նէպին անցնելու շրջանում, և որոնցում կադմակերպվում էին գյուղացիության տարբեր խմբերի արտադրական հարաբերությունները և գյուղացիության տիպերը։ Պատմական տվյալ ժամանակաշրջանում սովետական երկրի տնտեսակարգի կառուցվածքի հիմնական տարրերը (կացութաձևեր) հանդիսանում էին գյուղական տնտեսության նահապետական, ալսինքն՝ ամենահասարակ ձևը, մանր ապրանքային արտադրությունը (հացահատիկ լավառող գյուղացիության մեծամասնությամբ), մասնավոր կապիտալիզմը. պետական կապիտալիզմը և սոցիալիզմը⁶։ Երկրի տնտեսական կառուցված-

² Նույն տեղում, էջ 52—53։

³ «На аграрном фронте». 1929. № 8, стр. 105. *Ագրարական և մանրբուրժուական գաղափարախոսությունների քննադատության մասին տե՛ս նաև* М. Кубанин, Буржуазная программа в земельном вопросе (о профессорах Кондратьеве, Макарове и Хауке), там же, 1927, № 2, стр. 18—30. И. Верменичев, О разложении новонародничества (историческая справка об одном бывшем народнике). Там же, 1929, № 2, стр. 33—42. М. Сулковский, Кадетский аграрник в советской действительности (о проф. Лнтошенко). Там же, 1929, № 3, стр. 62—73. М. Сулковский, Эволюция и распад неонародничества. Там же, 1929, № 11—12, стр. 76—96.

⁴ Կարլ Մարքս, Քաղաքատնտեսության քննադատության շուրջը, Երևան, 1948, էջ 231։

⁵ Վ. Ի. Լենին, Երկիր, հ. 29, էջ 515։

⁶ Տե՛ս Վ. Ի. Լենին, Երկիր, հ. 32, էջ 373—374, 421 և հ. 33, էջ 496—497։ Տե՛ս նաև «ՄԲԿ-ն բանաձևերում ու որոշումներում», II մաս, էջ 247 (Համկ(բ)Կ XIV համագումարի բանաձևեր) և այլն։

րին համառոտաբանող հասարակական հիմնական ուժերն էին մանր բուրժուազիան, առանձնապես գյուղացիությունը, բուրժուազիան և պրոլետարիատը⁷:

Նյեյկով այդ սկզբունքներից Վ. Ի. Լենինը գյուղացիությանը բաժանում է երեք դիալոգի խմբեր, այն է՝ չֆավորներ կամ կիսապարզեցողներ, միջակ գյուղացիներ և գյուղական բուրժուազիա կամ կուլակներ⁸: Չքավորները նրանք են, նշում է Վ. Ի. Լենինը, ովքեր չեն շահագործում ուրիշի աշխատանքը, իրենք են ենթարկվում շահագործման և մշտապես գիմում են իրենց աշխատուժի թևկուղ մի մասի վաճառքին: Միջակ գյուղացին չի շահագործում, խնայող շահագործման չի ենթարկվում, ապրում է մանր տնտեսությամբ, իր աշխատանքով: Կուլակը նա է ով շահագործում է կողոպտում է ուրիշի աշխատանքը, ապրում է նրա աշխատանքով⁹:

Լենինյան մեթոդոլոգիական սկզբունքները և գիտողությունները հիմք ծառայեցին սովետական գյուղի հետազոտման համար:

1925 թ. ապրիլի 18-ին ԽՍՀՄ Ժողովուրդի ընդունեց «Ժամանակավոր կանոններ գյուղացիական տնտեսություններում օժանդակ վարձու աշխատանք կիրառելու պայմանների մասին» որոշումը¹⁰: «Ժամանակավոր կանոնների» դիմաց աշխատավորական տնտեսությունները արգելանքներից ազատվեցին, սահմանադատվեցին և դրանց վարձու բանվորների շահերի պաշտպանության նկատմամբ կոնկրետ մոտեցում ցուցաբերելու և կողմնակցության ցուցաբերելու մասին: Իսկ «Ժամանակավոր կանոնների» սահմանում էին աշխատավորական գյուղացիական տնտեսությունների վարձու բանվորների աշխատանքի պայմանները:

Աշխատավորական տնտեսության բնորոշ հատկանիշը ամենօրյա աշխատանքի տվյալ տնտեսության աշխատունակ անդամների պարտադիր մասնակցությունն էր, իսկ վարձու աշխատանքից օգտվող տնտեսություններում՝ նաև վրա (վարձու աշխատանքի) օժանդակ բնույթը¹¹:

Այսպիսով վրա էր աշխատավորական (տվյալ դեպքում միջակ) և արգելանքներից ազատված (կուլակային) տնտեսությունների սահմանադատումը, վերջինների հատկանիշների որոշումը: «Ժամանակավոր կանոններում» փոփոխություն կատարելու վերաբերյալ միութենական Ժողովուրդի 1927 թ. հոկտեմբերի 10-ի որոշումով արգելանքներից ազատված տնտեսության հատկանիշների սահմանումը վերադարձվում էր միութենական հանրապետություններին, և տեղում էին այդ հատկանիշների հիմնական սկզբունքները (գյուղատնտեսական միասնական հարկի ենթակա եկամուտների դումարը, վարձու աշխատանքից օգտվելու շուրջը, արգելանքներից ազատվելու և առևտրական ձեռնարկությունների ծա-

⁷ Տե՛ս Վ. Ի. Լենին, Երկեր, հ. 30, էջ 117:

⁸ Տե՛ս Վ. Ի. Լենին, Երկեր, հ. 29, էջ 532:

⁹ Տե՛ս Վ. Ի. Լենին, Երկեր, հ. 28, էջ 605, հ. 29, էջ 18, 293, 317 և այլն:

¹⁰ Տե՛ս «ԽՍՀՄ Բանվոր-գյուղացիական կառավարության օրենքների և կարգադրությունների ժողովածու», 1925, № 26, հոդված 183:

¹¹ Նույն տեղում, 1926, № 66, հոդված 501 (միութենական Կենտրոնական 1926 թ. սեպտեմբերի 28-ի հրահանգի սովորների ընտրության մասին):

վալոր և այլն)¹²։ Իր հերթին ԱՍՖԽՀ Ժողկոմխորհը Անդրկովկասի հանրապետություններին վերապահեց այն տնտեսությունների սահմանների որոշումը, որոնց վրա չէին տարածվում «Ժամանակավոր կանոնները»¹³։ Այդ որոշումների հիման վրա 1928 թ. նոյեմբերի 16-ին ՀՍԽՀ Ժողկոմխորհը սահմանեց դուլազցիական այն տնտեսությունների առավելագույն չափը, որոնց վրա չէին տարածվում «Ժամանակավոր կանոնները»¹⁴։ Ելնելով նրանից, որ այդ կանոնները չէին վերաբերում արդյունաբերական տիպի տնտեսություններին, որոշումը, համաձայն տեղական պայմանների, սահմանում էր տնտեսությունը արդյունաբերական տիպին վերագրելու հատկանիշները՝ ըստ որոնց արդյունաբերական կոչվող տնտեսություններ էին համարվում գյուղի շահագործող, մանրկապիտալիստական տնտեսությունները (կուլակներ)։ Մյուսը՝ շահագործող տնտեսության բնորոշ հատկանիշը վարձու աշխատանքի գործադրումն էր՝ կամ հողի վարձակալումը և արտադրամիջոցների վարձով տալը՝ որոշ սահմաններում։ Այդ սահմանների ճիշտ որոշումը կարևոր նշանակություն ուներ՝ աշխատավորական և արդյունաբերական տնտեսությունները միմյանցից տարբերելու համար։

Կուսակցության 15-րդ համագումարի որոշումների համաձայն, երրուժեղացվեց պայքարը գյուղական շահագործողների դեմ, 1928 թ. էական փոփոխություն կատարվեց կուլակներին հարկադրելու քաղաքականության մեջ։ Այսուհետև նրանք հարկ էին վճարելու ոչ թե ընդհանուր հիմունքներով, այլ անհատական կարգով։ Այդ կապակցությամբ պահանջ առաջացավ ավելի ճշտել կուլակության բնորոշ հատկանիշները, ավելի ճիշտ տարբերակել կուլակային տնտեսությունները։ Միաժամանակ, սրված դասակարգային պայքարի պայմաններում, կուսակցությունը և կառավարությունը ավելի ուժեղացրին բատրակների շահերի պաշտպանությունը։

Ելնելով դրանից ԽՍՀՄ Կենտգործկոմը և Ժողկոմխորհը՝ «Աշխատանքային օրենսգրքը կուլակային տնտեսություններում կիրառելու կարգի մասին» 1929 թ. փետրվարի 20-ի որոշումով կուլակային տնտեսությունների սահմանման իրավասությունը թողեցին միուլեկանական հանրապետություններին, նշելով, որ անհրաժեշտ է կոնկրետ վճռել եկամտի չափը՝ որպես ձեռնարկատիրական (արդյունաբերական) տիպի տնտեսության հատկանիշ¹⁵։ Նույն թվականի մայիսի 21-ին ԽՍՀՄ Ժողկոմխորհը որոշում ընդունեց կուլակային տնտեսությունների բնորոշման հարցի վերաբերյալ, սահմանելով նրա ընդհանուր սկզբունքները¹⁶։

Միութենական կառավարությունը նոր պայմաններին համապատասխան որոշում ընդունեց նաև աշխատավորական տնտեսություններում վարձու աշխատանքի և բատրակների շահերի պաշտպանության մասին. ԽՍՀՄ Ժողկոմխորհը հաստատեց նոր՝ «Աշխատավորական գյուղացիական տնտեսություններում օժանդակ վարձու աշխատանք կիրառելու վերաբերյալ ժամանակավոր կանոններ»¹⁷։ Այստեղ, ի տարբերություն 1925 թ. կանոնների, պարզ-

¹² Նույն տեղում, 1927, № 60, հոդված 609։

¹³ «ԱՍՖԽՀ... օրենքների և որոշումների հավաքածու», 1928, № 9, հոդված 101։

¹⁴ «ՀՍԽՀ... օրենքների և կարգադրությունների ժողովածու», 1929, № 1, հոդված 4։

¹⁵ «ԽՍՀՄ... օրենքների և կարգադրությունների ժողովածու», 1929, № 14, հոդված 117։

¹⁶ Նույն տեղում, № 34, հոդված 301։

¹⁷ Նույն տեղում, № 46, հոդվածներ 401 և 402։

որով նշվում էր, որ աշխատավորական են համարվում չբավոր և միջակ տընտեսությունները:

Նույն թվականի հոկտեմբերի 17-ին ԱՍՆԽԷ ժողովուրդը հաստատեց նոր «Ժամանակավոր կանոնների» գործադրության վերաբերյալ հրահանգը¹⁸, որով սահմանվում էր աշխատավորական տնտեսություններում վարձու աշխատանքի պայմանները, ինչպես նաև կուլակային տնտեսությունների հատկանիշները:

ՀԱԽԷ ժողովուրդը կուլակային տնտեսությունների բնորոշման վերաբերյալ համապատասխան որոշում ընդունեց մի քանի ամիս անց, 1930 թ. նոյեմբի 13-ին, երբ ծավալվել էր մասսայական կոլտնտեսային շարժումը և կուլակություն, որպես շահագործող դասակարգի, վերացումը¹⁹: Այս դեպքում ևս վարձակալությունը, դրա հետ միաժամանակ նաև եկամտի չափը, կուլակային տնտեսության ճանաչման բնորոշ կողմն էր: Սկզբունքային փոփոխություն չմտցնելով նախկին որոշումների մեջ, այժմ ավելի էին նշվում և կոնկրետացվում կուլակային տնտեսությունը բնորոշող հատկանիշները:

Հնայած այդ բոլոր որոշումներին և պարզարանումներին, գյուղի սոցիալ-տնտեսական երևույթների հետադոստելը դեռևս բարդ ու դժվարին գործ էր: Այդ բնույթովում կատարվող աշխատանքները հանդիպում էին հիմնականում երկու կարգի դժվարությունների՝ չէին սահմանված ընդհանուր և կատարյալ մեթոդաբանական սկզբունքներ, անբավարար էր վիճակագրական նյութը: Դյուզում տեղի ունեցող երևույթների ուսումնասիրման դժվարությունները մասամբ պայմանավորված էին սոցիալ-տնտեսական երևույթների բարդությամբ:

Հայտնի են դուրսը ճանաչելու դժվարությունների և դրանք հաղթահարելու ուղիների մասին Վ. Ի. Լենինի մի շարք դիտողությունները: Ձբավորներին հարկից ազատելու և հարուստների ու միջուկների վրա հարկը ճիշտ բաշխելու կապակցությամբ Վ. Ի. Լենինը նշել է, որ «Իհարկե, չի կարելի ճիշտ որոշել, թե ով է հարուստ, ով՝ աղքատ, սխալներ լինում են»²⁰, ՌԿ(Բ) VIII համագումարին աված ղեկուցման մեջ միջակ գյուղացուն «ճիշտ ճանաչելու համար Վ. Ի. Լենինը հարկավոր էր համարում «իմանալ այդ գյուղացու տնտեսության մարդը պատմությունը, նրա վերաբերմունքը դեպի ստորին ու բարձր խմբերը, — իսկ արտադրված իմանալ այդ մենք չենք կարող: Այստեղ շատ գործնական հմտություն, տեղական պայմանների ճանաչողություն է հարկավոր»²¹:

Գյուղի դասակարգային խմբերի «ճիշտ ճանաչումը, դրանց տնտեսական-արտադրական դերի «ճիշտ գնահատումը 20-ական թվականների կեսերին քաղաքական կարևոր նշանակություն ունի: Հարցը վերաբերում էր սովետական երկրի դարպասման հեռանկարներին, սոցիալիզմի կառուցման գործում բունվոր դասակարգի դաշնակցին՝ միջակ գյուղացուությանը տրվող նշանակությունը, կուլակություն և դյուզում դարգացող կապիտալիզմի վտանգի դեմ պայքարին: Տրոցկիյովը կեղծում էր իրականությունը, նսեմացնում միջակի դերը, վերագնահատում կուլակի վտանգը, վերջին հաշվով ժխտում սոցիալ-

¹⁸ ԱՍՆԽԷ... օրենքների և որոշումների հավաքածու, 1929, X՝ 20, հոդված 186:

¹⁹ «ՀԱԽԷ... օրենքների և կարգադրությունների ժողովածու, 1930, № 8, հոդված 145:

²⁰ Վ. Ի. Լենին, երկեր, հ. 29, էջ 21:

²¹ Նույն տեղում, էջ 246:

չի ունի կառուցման հնարավորությունը Սովետական Միությունում: Կուսակցությունը հակահարված տվեց այդ տեսակետներին հեղինակներին ու պաշտոնականներին, նշեց պրոլետարիատի դիկտատուրայի պայմաններում սովետական դյուզում տեղի ունեցող սոցիալական շերտավորման առանձնահատկությունը, նրա արմատական տարբերությունը կապիտալիզմի պայմաններում տեղի ունեցող շերտավորումից:

Գյուղի սոցիալ-տնտեսական տեղաշարժերի ուսումնասիրության գործում մասնավորապես զգալի աշխատանք կատարեցին մարքսիստ ագրարագետ-տնտեսագետները և մյուս մասնագետները, հատկապես Կոմունիստական ակադեմիայի գիտնականները: Սովետական գյուղի սոցիալ-տնտեսական երևույթների շուրջում սովետական մեջ մարքսիստական-լենինյան մեթոդոլոգիայի հաստատման գործում մեծ է Յա. Յակովլևի, Լ. Կրիցմանի, Ա. Գալստերի և ուրիշների ծառայությունը:

Միութենական կենտրոնական վիճակագրական վարչության (ԿՎՎ) կառավարական մարմիններին ներկայացրած՝ 1925/26 թ. նախնական հաշվարկումներով, որ կատարվել էր ցանքատարածությունների հիման վրա, ստացվում էր, որ Սովետական Միությունում գյուղի ունևոր և հարուստ տնտեսությունները իրենց ձեռքում կենտրոնացրել էին ավելցուկ հացի 54, միջակները՝ 46 տոկոսը, իսկ սակավազոր տնտեսությունները հացի ավելցուկ չէին տալիս: Միութենական ԺԿՆ-ն բանգյուղտեսչության ժողկոմատին հանձնարարեց ստուգել, թե որքանով են այդ տվյալները համապատասխանում իրականությանը: Ստեղծվեց հատուկ հանձնաժողով, որը բավական աշխատելուց հետո կազմեց համապատասխան զեկուցում, որի լրացված տարբերակը հրատարակվեց 1926 թ.²² Հանձնաժողովը մերժեց գյուղացիությանը ըստ ցանքատարածության խմբավորելու սկզբունքը, որը «սքողում և մթագնում է միջակ գյուղացիության ժողովրդա-տնտեսական նշանակությունը»: Նա գտավ, որ սոցիալ-տնտեսական խմբավորման հիմքում պետք է դնել հետևյալ տարրերը՝ ցանքը, արտադրության միջոցները և սոցիալական հարաբերությունները (վարձակալություն), հաշվի առնելով դրանց դասակարգային բնույթը: Դասակարգային բաժանման այդ սկզբունքով գյուղի հիմնական սոցիալ-տնտեսական տիպեր համարվեցին չֆալսեր (չաֆալսերովո), հուրուստը (չաֆալսերովո) և նրանց միջև գտնվող միջակը:

Բանգյուղտեսչության ժողկոմատի ուսումնասիրությունները հետագա տարիներին շարունակվեցին ավելի լայն ծրագրով: Մարքսիստ հետազոտողները տվյալների անբավարարության պատճառով, դեռևս չհրաժարվելով սոցիալական տիպերի բնորոշման անուղղակի տվյալներից (գյուղացիության խմբավորումը ըստ ցանքատարածության և բանող ուժի), այնուամենայնիվ, շեշտը դնում էին այդ տիպերը ուղղակիորեն բնորոշող հատկանիշների վրա:

Հաշվի առնելով դասակարգային խմբավորումը բնորոշող ուղղակի տրվյալների անբավարարությունը և այն հանգամանքը, որ դասակարգային խմբավորումը դեռևս չէր ստացել իր վերջնական մեթոդոլոգիական լուծումը, ինչպես նաև ելնելով հարցի կարևորությունից ու անհրաժեշտությունից, միութենական ԲԳՏ ժողկոմատը Կոմակադեմիային հանձնարարեց համատեղ

²² Я. А. Яковлев, Об ошибках хлебофуражного баланса ЦСУ и его истолковании. М., 1926.

մշակված օրադրով փորձել որոշելու սովետական հասարակության դասակարգային խմբերի տեսակարար կշիռը, Հետազոտողների ուղադրության կենտրոնում դրվեց գյուղի շերտավորման, հողի վարձակալության, աշխատուժի վարձման, գյուղացիական տնտեսության կազմակերպման ու տեխնիկայի, շուկայական հարաբերությունների, կոոպերացման և այլ հարցերի պարզարանումը: Դիտավոր նպատակն էր՝ հետազոտել գյուղատնտեսության մեջ սոցիալիստական և կապիտալիստական տարրերի հարաբերությունները, ժանդակել գյուղի սոցիալիստական վերակառուցման նախապատրաստմանը:

Ուսումնասիրության արդյունքների համառոտ շարադրանքը տպագրվեց առանձին դրուվ²³, որտեղ գյուղի շերտավորման հարցերին հատկացված է առանձին բաժին²⁴: Սովետական Միության տարբեր շրջանների տվյալներով վերլուծվեցին տարրեր խմբերի սոցիալական կապերի ու հարաբերությունների դարպացման տարրերը՝ հողի կապալառությունը, գյուղատնտեսական կենդանի ու մեռյալ դույրի և աշխատուժի վարձակալությունը և այլն:

Համանման ուսումնասիրություն կատարեց նաև ԽՍՀՄ ԺԿԽ-ի որոշումով ուսկոծված հատուկ հանձնաժողովը, որի վերջնական նպատակն էր պարզել հարկային ծանրարեւոնվածությունը Այդ նպատակով հանձնաժողովը, որի կազմում կային հեղինակավոր գիտնականներ, կարևոր հետազոտություն կատարեց բազմաթիվ գյուղի բնակչության դասակարգային կառուցվածքի, գյուղի սոցիալական շերտերի հատկանիշների ընտրության, տնտեսությունների մեջ դրանց տեսակարար կշռի պարզաբանման և այլ հարցերի ուղղությամբ: Դիտարանտեսությամբ զբաղվող բնակչությունը բաժանվեց չորս սոցիալական խմբի՝ գյուղատնտեսական պրոլետարիատ, չֆավորներ, միջակներ և ձևափոխվող տնտեսական տիպի տնտեսություններ: Եկամտի և հարկային գումարի կազմում գյուղի սոցիալական շերտերի դերը որոշելիս հանձնաժողովը հաստատեց միջակի՝ գյուղի կենտրոնական դեմքի վերաբերյալ կոմունիստական և սոցիալիստական դեմքի տարբերությունները: 1924/25—1926/27 թթ. համար մշակված վիճակագրական տվյալները վկայում էին սովետական իշխանության պայմաններում գյուղի սոցիալական շերտավորման առանձնահատուկ բնույթի մասին²⁵:

Հանձնաժողովը իր մշակած մեթոդաբանական սկզբունքները և ստույգված տվյալները կատարյալ ու վերջնական չէր համարում, ուստի առաջարկում էր բարելավել և ճշտել դրանք: Պայմանական էին դիտվում գյուղատնտեսական բնակչության շերտավորման վերաբերյալ հաշվարկները՝ միասնական մեթոդի և կայուն սահմանված հատկանիշների բացակայության պատճառով, հատկանիշներ, որոնք պետք է հնարավորություն տային ավելի ճշտորեն պարզելու գյուղացիական տնտեսության պատկանելությունը գյուղի այս կամ այն սոցիալական խմբին:

²³ «К вопросу о социалистическом переустройстве сельского хозяйства». Материалы исследования НК РКК СССР, Л.—М., 1928.

²⁴ Նույն տեղում, էջ 3—78:

²⁵ Տե՛ս «Тяжесть обложения в СССР (социальный состав, доходы и налоговые платежи населения Союза ССР в 1924/25, 1925/1926 и 1926/27 годах». Доклад комиссии Совета Народных Комиссаров Союза ССР по изучению тяжести обложения населения Союза, М., 1929.

Գյուղի դասակարգային խմբերի սոցիալական բնութագրման մեթոդությունների հարցերին էր նվիրված 1927 թ. հունվարին Կոմունիստական ակադեմիաում կազմակերպված բանավեճը, որտեղ զեկուցումով հանդես եկավ Լ. Կրիցմանը²⁶։ Նա նշեց, որ գյուղացիությանը ըստ անուղղակի հատկանիշների (ցանքատարածություն, բանվորական և այլ անասուններ, մեռյալ գույր, արտադրամիջոցների արժեք) խմբավորելն անընդունելի է, որ դրանց մասին վիճակագրական նյութերը «մեր պայմաններում հնարավորություն չեն տալիս իրականությանը շատ թե քիչ համապատասխանող պատկերացում ստանալու գյուղացիության դասակարգային կազմի մասին»։ Այդպիսի պատկերացում կարող էին տալ միայն ուղղակի դասակարգային հատկանիշների վրա կառուցված խմբավորումները։ Լ. Կրիցմանը, որը տվյալ հարցի հեղինակավոր մասնագետներից էր²⁷, առաջարկեց գյուղացիությանը խմբավորել ըստ բանուժի և արտադրամիջոցների վարձակալության հատկանիշների՝ հաշվի առնելով, թե ինչ չափով է տնտեսությունը վարվում ինքնուրույն, որքանով է գյուղացու տնտեսության բանուժը միանում նրա արտադրամիջոցներին։

Լ. Կրիցմանի ղեկավարությամբ 1926 թ. Կոմունիստական ակադեմիաում սովետական գյուղի շերտավորումն ուսումնասիրող մի խումբ հեղինակներ նույնպես հանդես եկան ուշագրավ գործերով։ Բանուժը վարձակալելու և վաճառելու, բանվորական անասունն ու գործիքները վարձակալելու և հանձնելու, վարելահողը (երկու դեպքերից ավել) վարձակալելու ուղղակի դասակարգային հատկանիշների կոմբինացման միջոցով Ա. Գալստերը գյուղացիությանը բաժանեց երեք խմբավորումների, հինգ խմբերով²⁸։

Ա.-Պրոլետարական և կիսապրոլետարական տնտեսություններ.

1.-Պրոլետարներ

2.-Կիսապրոլետարներ (չբավորներ)

Բ.-Ինքնուրույն արտադրողներ (միջակներ).

3.-Միջակներ

4.-Ձեռնարկատիրության տարրերով տնտեսություններ

Գ.-Մանրկապիտալիստական տնտեսություններ.

5.-Մանր կապիտալիստներ և կիսակապիտալիստներ (կուլակներ)։

Ա. Գալստերի խմբավորումն ուներ ինչպես դրական կողմեր, այնպես էլ թերություններ։ Այնուամենայնիվ, ինչպես նշել է Լ. Կրիցմանը, Ա. Գալստերի աշխատությունը առաջադիմական քայլ էր սոցիալական հարաբերությունների վերլուծության գործում և հեշտացնում էր այդ բնագավառում տարվող աշխատանքները²⁹։

²⁶ «На аграрном фронте», 1928, № 4, стр. 114—144, № 5, стр. 123—146.

²⁷ Տե՛ս Լ. Кривцман, Классовое расслоение в советской деревне. М., 1926. *Նույնի հոդվածները*. «К вопросу о классовом расслоении современной деревни» («На аграрном фронте», 1925, №№ 2, 7—8, 9, 10). «О статистическом изучении классовой структуры советской деревни» (там же, 1926, № 2, 1927, №№ 7, 8—9, 10). «Десять лет на аграрном фронте пролетарской революции» (там же, 1927, № 11—12).

²⁸ Տե՛ս А. Гайстер, Расслоение советской деревни. Вступительная статья Л. Кривцмана, М., 1928. Տե՛ս նաև նույնի՝ «Соотношение классов и групп в деревне» («На аграрном фронте», 1927, № 10). «Расслоение деревни и оппозиция» (там же, 1927, № 11—12).

²⁹ Տե՛ս А. Гайстер. Расслоение советской деревни, стр. XXXI.

ԽՍՀՄ ԺԿԽ-ի վերոհիշյալ հանձնաժողովում աշխատելու ժամանակ Ա. Գայատերը հանդես եկավ սովետական գյուղը սոցիալապես խմբավորելու նոր փորձով, որի արդյունքները տպագրվեցին հանձնաժողովի զեկուցման հետ միասին³⁰։ Նորությունն այն էր, որ առանձնացվել էին կոլեկտիվ տնտեսությունները և սոցիալիստական սեկտորի պրոլետարիատը, իսկ մասնավոր սեկտորը բաժանվել էր պրոլետարիատի, կիսապրոլետարիատի. պարզ ապրանքադրոշմների և մանրկապիտալիստական ապրանքադրոշմների։

Գյուղի սոցիալական շերտավորումն ուսումնասիրելու փորձեր կատարեցին նաև մի շարք այլ հեղինակներ³¹։



20-ական թվականներին սովետական վիճակագրության վրա մեծ ազդեցություն ունեցող նախասովետական դեմստվային վիճակագրության մեթոդաբան, որը հանգում էր գյուղացիության ուսումնասիրության ըստ ունեցվածքային աստիճանի՝ հիմնականում ըստ ցանքատարածության։ Սովետական մարքսիստ հետազոտողները, սպարաբելով այդ մեթոդաբանության կողմնակիցների (Ա. Ի. Խրյաշչևսկի և ուրիշներ) դեմ, ցույց տվեցին, որ ըստ ցանքատարածության կամ ըստ ունեցած անասունների, նույնիսկ ըստ արտադրամիջոցների արժեքի, խմբավորումը չի կարող ճիշտ պատկերացում տալ սոցիալական խմբերի ու դրանց հարաբերությունների մասին։ Դրանք գնահատվեցին որպես սոցիալական ուժերի ճանաչման անուղղակի հատկանիշներ։ Մերժվեցին ըստ ցանքատարածության խմբավորման մեթոդի գերագնահատման Ա. Խրյաշչևսկի և մյուսների փորձերը՝ պաշտպանվելու Վ. Ի. Լենինի հեղինակությունով։ Սովետական մարքսիստ հետազոտողները նշեցին, որ Վ. Ի. Լենինը այդ կարգի տվյալներից օգտվել է, նախ, պատմական բոլորովին այլ պայմաններում, երբ հոգը և նրա կենտրոնացումը շահագործման միջոց էին, իսկ սովետական իշխանության պայմաններում, հողի ազգայնացման և հավասարաբար հողարժանության շնորհիվ, ըստ ցանքատարածության խմբավորումը կորցրել է ուսումնասիրության իր նախկին նշանակությունը։ Բացի այդ, Վ. Ի. Լենինը այդ տվյալներից դիմել է միայն մասամբ։ Նա գյուղի սոցիալական հարաբերությունները պարզելու համար օգտվել է նաև բազմաթիվ այլ կարգի նյութերից ու տվյալներից։ Սովետական պայմաններում ևս ըստ ցանքատարածության խմբավորման տվյալները և մյուս անուղղակի հատկանիշները միայն թանկղակ մեթոդ էին սոցիալական երևույթներն ուսումնասիրելու համար։

Գյուղի սոցիալական երևույթների հետազոտության մարքսիստական-լենինյան մեթոդաբանության հաստատումն օգնում էր կատարելագործելու սովե-

³⁰ ՏՃՍ «Тяжесть обложения в СССР...», стр. 124.

³¹ ՏՃՍ Я. Анисимов, И. Верменичев, К. Наумов, Производственная характеристика крестьянских хозяйств различных социальных групп, М.—Л., 1927. С. Дубровский, Расслоение крестьянства и задачи партии в деревне («На аграрном фронте», 1927, № 11—12). К. Наумов, Д. Шардин, Опыт построения классовой группировки крестьянских хозяйств (там же, 1928, № 4). И. Дубинский, Социально-экономические отношения крестьянских хозяйств подмосковной деревни (там же, 1928, № 12). А. Азизян, Характеристика сдающих и арендующих землю хозяйств (там же, 1927, № 10).

տակարն գյուղի վիճակագրությունը. այն գնելու գիտական, մարքսիստական հիմքի վրա, 20-ական թվականների երկրորդ կեսին գյուղացու բյուջեի և մյուս վիճակագրությունները աստիճանաբար դարձան ավելի խորը և բազմակողմանի: Վիճակագրության կատարելագործումն իր հերթին նպաստեց գյուղի ուսումնասիրության մարքսիստական-լենինյան մեթոդոլոգիայի ամրապնդմանը:

1926 թ. սկսվեց վիճակագրական գործի վերակառուցումը: Վիճակագրական մարմինները համալրվեցին մարքսիստ մասնագետներով: Բեկում կատարվեց սովետական վիճակագրության զարգացման մեջ:

Աշխատանքների վերակառուցումից և կադրերի համալրումից հետո, կոմունիստական կուսակցության պահանջով, սովետական վիճակագրական մարմինները մեծ ուղադրություն նվիրեցին գյուղի սոցիալ-տնտեսական հարաբերությունների ուսումնասիրմանը: Այդ ժամանակ, ինչպես նշել է ՀՍԽՆՀ կենտվիճվարչությունը, ասուր կերպով դրվեց նոր պայմաններին համապատասխան այն նոր եղանակների որոնման հարցը, որոնք թույլ տային բացահայտելու գյուղացիության մեջ խմբերի և դասակարգերի հարաբերությունները³²:

Աշխատանքների վերակառուցման այդ բեկումնային շրջանը համընկավ ընդհանուր-գիտամիկ վիճակագրական մեթոդով Անդրկովկասի գյուղի ուսումնասիրության կազմակերպմանը, որի նպատակն էր ուսումնասիրել գյուղի սոցիալական կառուցվածքը և շարժումը (գիտամիկան): Այդ մեթոդով հետալուծությունը կատարվում էր որոշակի թվով տնտեսությունների բյուջեների ուսումնասիրության միջոցով՝ միութենական ԿՎՎ-ի մշակած ծրագրով:

1927 թ. ընդհանուր-գիտամիկ հետազոտությունը, ի տարբերություն նախորդ տարվա, ընդգրկեց ավելի մեծ թվով տնտեսություններ և անցկացվեց ավելի լայն ծրագրով: Ստացված վիճակագրական տվյալները նախատեսվում էր մշակել Կոմունիստական ակադեմիայում Լ. Կրիցմանի գլխավորությամբ կիրառվող մեթոդոլոգիական սկզբունքով³³, ինչպես նշված է ԱՍՖԽՆՀ ԿՎՎ-ի՝ «Անդրկովկասի գյուղի շերտավորման նյութերի մեկնաբանությունները» վավերագրում³⁴, մինչև 1928 թ. հոկտեմբերը թե՛ միութենական, թե՛ առանձին հանրապետությունների և թե՛ առանձին մարզերի մասշտաբով գյուղի շերտավորման ուսումնասիրությունը դեռևս չէր ավարտվել: Դա պատճառաբանվում էր նրանով, որ հարցի մեթոդոլոգիան դեռևս բավականաչափ չէր մշակված:

Ամբողջ Սովետական Միությունում 1927-ի ընդհանուր-գիտամիկ վիճակագրության տվյալները ենթադրվում էր մշակել մեկ միասնական սխեմով: Քանակական (տնտեսական) և որակական (սոցիալական) հատկանիշներով գյուղացիությունը բաժանվում էր չորս դասակարգերի՝ պրոլետարիատ, կիսապրոլետարիատ, ապրանքատաճրճողներ և մանրկապիտալիստական տնտեսություններ (նախնական սխեմայով գյուղացիությունը բաժանվել էր հինգ դասակարգային խմբերի՝ կախյալ տնտեսություններ, կիսակախյալ տնտեսություններ, պարզ ապրանքատաճրճողներ, կիսաձեռնարկատերեր և ձեռնար-

32 ՀՍՄՀ ՀՀՍՀ ՊԿԱ, ֆ. 113, ց. 3, ք. 601, ր. 217—226.

33 Նույն տեղում, ֆ. 163, ց. 3, ք. 166, ք. 1—3.

34 ՄԼԻ ՎՖԱ, ֆ. 13, ց. 1, ք. 2697, ք. 3—30.

կատարելու, Անդրկենտրոնավարչությունը ծանուցում էր, որ այդ բաժանումը
ևս, համարում են, վերջնական չէ:

Ինչպիսի-դինամիկ վիճակագրության նյութերի մշակման եզրափակիչ
փուլում, խորացված ծրագրով, նախատեսվում էր բնութագրել գյուղի դասա-
կարգերը, փորձ էր արվելու ստացած եզրակացությունները կիրառել տվյալ
ամբողջ հանրապետության նկատմամբ: Նյութերը ենթարկվելու էին վերջնա-
կան դիտական մշակման: Սակայն, բնային-դինամիկ վիճակագրության
տվյալների մշակումը, որի վերջնական նպատակն էր պարզաբանել գյուղի
սոցիալական հարաբերությունները և դասակարգային կազմը, Անդրկովկասում
ավարտի չհասցվեց:

Այդպիսով, 1. Սովետական գյուղի սոցիալ-տնտեսական զարգացման գի-
տական ուսումնասիրությունը հնարավոր դարձավ միայն մարքսիստական-
լենինյան մեթոդոլոգիայի հիման վրա:

2. Գյուղը, նրա դասակարգային ուժերը ճանաչելու և հետազոտելու
ուսումնասիրությունը պատկանում է Վ. Ի. Լենինին: 20-ական թվականներին սովե-
տական մարքսիստ մասնագետները մեծ աշխատանք կատարեցին մարքս-
լենինյան մեթոդոլոգիայի հիման վրա գյուղի սոցիալ-տնտեսական երևույթ-
ների հետազոտության ընդհանուր մեթոդոլոգիական սկզբունքները մշակելու
լնուղղվածում: Այդ մեթոդոլոգիայի բնորոշ կողմը հասարակական արտա-
դրության մեջ գյուղի տարրեր դասակարգերի տեղի և դերի, դասակարգային
խմբերի սոցիալական հարաբերությունների պարզաբանումն էր:

3. Սովետական գյուղի սոցիալ-տնտեսական զարգացման ուսումնասիր-
ման աշխատանքները ծավալելու գործում կարևոր նշանակություն ունեցան
կոմունիստական կուսակցության և սովետական կառավարության որոշումնե-
րը, ղեկավարողներն ու եզրակացությունները: Այդ գործում մասնավորա-
պես մեծ վաստակ ունեն մարքսիստ ադրաբագետ-տնտեսագետները:

4. Գյուղի դիտական հետազոտության մեջ մարքս-լենինյան մեթոդոլոգի-
այի հաստատումը նպաստեց մերակառուցելու սովետական վիճակագրության
սկզբունքները, որոնց հիմքում դրվեցին գյուղի սոցիալական դեմքը բնորոշող
ուղղակի դասակարգային հատկանիշների բացահայտումը և ուսումնասիրու-
թյունը:

5. Գյուղի սոցիալ-տնտեսական զարգացման հետազոտության մեջ
մարքս-լենինյան մեթոդոլոգիայի հաստատումը տեղի էր ունենում բուրժու-
ական և մանրբուրժուական մեթոդոլոգիաների դեմ պայքարի պայմաններում:
Սովետական մարքսիստական վիճակագրությունը 20-ական թվականների կե-
սերին մեթոդի հին, դեմստվային վիճակագրությունը և նրա մեթոդոլոգիական
ոկերները:

6. Սովետական գյուղի ուսումնասիրությունը, ինչպես նաև համապա-
տասխան վիճակագրությունը շարունակվեցին ամբողջ 20-ական թվական-
ներին:

7. 20-ական թվականների գիտահետազոտական ժառանգությունը և վի-
ճակագրությունը հարուստ նյութ են տալիս սովետական նախախոսնախաղի
գյուղի սոցիալ-տնտեսական զարգացման, գյուղացիության դասակարգային
կառուցվածքի ուսումնասիրության համար:

МЕТОДОЛОГИЯ ИЗУЧЕНИЯ ДОКОЛХОЗНОЙ ДЕРЕВНИ

В. Н. КАЗАХЕЦЯН

Р е з ю м е

Научное исследование социально-экономического развития советской доколхозной деревни стало возможным только благодаря применению марксистско-ленинской методологии. Выводы и замечания относительно развития деревни в условиях нэпа содержатся в решениях и резолюциях КПСС и советского правительства. Большой вклад в развитие этой области науки внесли также марксистские экономисты-аграрники 20-х годов.

В противоположность буржуазным и мелкобуржуазным течениям, марксизм-ленинизм рассматривает вопросы крестьянского хозяйства в их социально-экономической взаимосвязи. К исследованию советской деревни В. И. Ленин применял методологический принцип качественного разграничения различных классовых групп крестьянства. Советские авторы провели большую работу в области изучения социально-экономических отношений и социально-классового состава деревни на основе раскрытия прямых классовых признаков (арендные отношения земли, рабочей силы, инвентаря и т. д.).